



SLUŽBENI GLASNIK OPĆINE VISOKO

GODINA L

Visoko, Ponedjeljak 07. mart 2016. godine

BROJ 2

5.

Na osnovu člana 22. Statuta Općine Visoko („Službeni glasnik Općine Visoko“, broj: 01/11, 08/13) i Budžeta Općine Visoko za 2016. godinu („Službeni glasnik Općine Visoko“, broj: 10/15), Općinsko vijeće Visoko, na 36. sjednici, održanoj 27.02.2016. godine donijelo je:

PROGRAM

kapitalnih ulaganja u infrastrukturu iz Budžeta Općine Visoko za 2016. godinu
(cestovna i kanalizaciona infrastruktura i javna rasvjeta)

I

a) CESTOVNA INFRASTRUKTURA

R/br	Naziv projekta	Iznos planiranih sredstava (KM)	Sufinansiranje korisnika (KM)
1.	Izgradnja pješačkog mosta na rijeci Bosni – Luke – Ozrakovići: MZ Željeznička stanica i MZ Novo naselje	600.000,00 KM	-
2.	Asfaltiranje saobraćajnice i parkinga u naselju Prijeko: MZ Centar	120.000,00 KM	-
3.	Rekonstrukcija lokalnog puta Šošnje – Dolovi: MZ Podvinci	40.000,00 KM	-
4.	Rekonstrukcija lokalnog puta u naselju Slatina – Kalići: MZ Radovlje	40.000,00 KM	15.000,00 KM
5.	Rekonstrukcija mosta na Lješevačkom potoku u naselju Monjare: MZ Liješeva	40.000,00 KM	-
6.	Rekonstrukcija lokalnog puta u naselju Kula Banjer: MZ Kula Banjer	40.000,00 KM	-
7.	Rekonstrukcija lokalnog puta Gornja – Donja Seoča - nastavak: MZ Dobrinje	20.000,00 KM	-
8.	Rekonstrukcija lokalnog puta u naselju Kovačići: MZ Gračanica	30.000,00 KM	-
9.	Rekonstrukcija lokalnog puta Veruša: MZ Orašac	40.000,00 KM	-
10.	Rekonstrukcija lokalnog puta Čifluk - Slatina: MZ Kralupi	50.000,00 KM	-
11.	Asfaltiranje lokalnog puta - zaseok Grab: MZ Dobrinje	30.000,00 KM	-
12.	Asfaltiranje lokalnog puta u naselju Bulčići: MZ Bulčići	30.000,00 KM	-
13.	Rekonstrukcija lokalnog puta u naselju Oštrac: MZ Buci	30.000,00 KM	-
14.	Rekonstrukcija lokalnog puta Donji – Gornji Stuparići: MZ Buci	30.000,00 KM	-
15.	Asfaltiranje puta u naselju Prhovo – MZ Porječani	25.000,00 KM	-

16.	Rekonstrukcija lokalnog puta Mulići – Porječani MZ Arnautovići i MZ Porječani	45.000,00 KM	
17.	Rekonstrukcija trga Džemala Bijedića	20.000,00 KM	
18.	Rekonstrukcija lokalnog puta Upovac – Dolovi: MZ Dobrinje	30.000,00 KM	
19.	Rekonstrukcija lokalnog puta u naselju Čekrekčije: MZ Čekrekčije	30.000,00 KM	
20.	Rekonstrukcija lokalnog puta Krč – Bradve: MZ Moštre	20.000,00 KM	
21.	Rekonstrukcija lokalnog puta Goruša – Podvinci: MZ Podvinci	30.000,00 KM	
22.	Rekonstrukcija lokalnog puta Tramošnjik – Ulukovac: MZ Gračanica	15.000,00 KM	
	UKUPNO	1.355.000,00 KM	15.000,00 KM

b) KANALIZACIONA INFRASTRUKTURA

R/br	Naziv projekta	Iznos planiranih sredstava (KM)	Sufinansiranje korisnika (KM)
1.	Izgradnja kanalizacione mreže u naselju Vratnica	40.000,00 KM	-
2.	Izgradnja kanalizacione mreže u naselju Zimča	30.000,00 KM	-
	UKUPNO	70.000,00 KM	-

c) JAVNA RASVJETA

R/br	Naziv projekta	Iznos planiranih sredstava (KM)	Sufinansiranje korisnika (KM)
1.	Nastavak radova na izgradnji javne rasvjete u naselju Čekrekčije – RP 445 – ŽCP: MZ Čekrekčije	25.000,00 KM	-
2.	Izgradnja rasvjete u MZ Topuzovo Polje	40.000,00 KM	-
3.	Izgradnja javne rasvjete u naselju Smršnica: MZ Gračanica	10.000,00 KM	-
	UKUPNO	75.000,00 KM	

	UKUPNO PLANIRANO CESTOVNA I KANALIZACIONA INFRASTRUKTURA I JAVNA RASVJETA (a+b+c)	1.500.000,00 KM
--	--	------------------------

II

Nosilac aktivnosti na realizaciji Programa kapitalnih ulaganja u infrastrukturu (cestovna i kanalizaciona infrastruktura i javna rasvjeta) je Općina Visoko, Služba za finansije, privredu i lokalni ekonomski razvoj.

III

Ovaj Program objavit će se u “Službenom glasniku Općine Visoko”.

Broj: 01/1-02-51/16
Visoko, 27.02.2016. godine
Visoko,

**PREDSJEDAVAJUĆA
OPĆINSKOG VIJEĆA VISOKO
Mirela Mateša Bukva, s.r.**

6.

Na osnovu člana 66. Zakona o građevinskom zemljištu Federacije BiH („Službene novine FBiH“, broj: 67/05), člana 38. stav 2. Odluke o građevinskom zemljištu („Službeni glasnik Općine Visoko“, broj: 04/04) i člana 22. Statuta Općine Visoko („Službeni glasnik Općine Visoko“, broj: 01/11 i 08/13), Općinsko vijeće Visoko, na 36. sjednici, održanoj 27.02.2016. godine, donijelo je

ODLUKU**o visini prosječne konačne građevinske cijene 1 m² korisne površine stambenog prostora na području općine Visoko za 2016. godinu****Član 1.**

Ovom odlukom određuje se visina prosječne konačne građevinske cijene 1 m² korisne površine stambenog prostora na području općine Visoko za 2016. godinu.

Član 2.

Prosječna konačna građevinska cijena 1 m² korisne površine stambenog prostora na području općine Visoko iznosi 690,00 KM.

Član 3.

Prosječna konačna građevinska cijena 1 m² korisne površine stambenog prostora, utvrđena u članu 2. ove odluke, služi kao osnov za obračun naknade za pogodnost korištenja građevinskog zemljišta, naknade za uređenje gradskog građevinskog zemljišta i naknade za korištenje gradskog građevinskog zemljišta.

Član 4.

Stupanjem na snagu ove odluke prestaje da važi Odluka o visina prosječne konačne građevinske cijene 1 m² korisne površine stambenog prostora na području općine Visoko za 2015. godinu („Službeni glasnik općine Visoko“, broj: 1/15).

Član 5.

Ova odluka stupa na snagu osmog dana od dana objavljivanja u „Službenom glasniku općine Visoko“.

Broj: 01/1-02-53/16 PREDSEDavajuća
27.02.2016. godine OPĆINSKOG VIJEĆA VISOKO
Visoko, Mirela Mateša Bukva, s.r.

7.

Na osnovu člana 13. Zakona o principima lokalne samouprave u Federaciji Bosni i Hercegovini („Službene novine FBiH“, broj: 49/06) i člana 22, 60. i 64. Statuta Općine Visoko („Službeni glasnik Općine Visoko“, broj: 01/11 i 08/13), Općinsko vijeće Visoko, na 36. sjednici, održanoj 27.02.2016. godine, donijelo je:

ODLUKU**o razrješenju dosadašnjeg i imenovanju novog predsjednika Savjeta i potvrđivanju imenovanja novog člana Savjeta MZ Gračanica****Član 1.**

Predsjednik Savjeta Mjesne zajednice Gračanica, Uzunalić Emir, razrješava se dužnosti predsjednika Savjeta, na lični zahtjev, sa 31.12.2015. godine.

Član 2.

Za predsjednika Savjeta MZ Gračanica imenuje se Husić Azra.

Član 3.

Potvrđuje se imenovanje Semić Ekrema, za novog člana Savjeta MZ Gračanica, za naseljeno mjesto Loznik i Tramošnjik.

Član 4.

Ova Odluka stupa na snagu narednog dana od objavljivanja u «Službenom glasniku općine Visoko».

Broj: 01/1-02-52/16 PREDSEDavajuća
27.02.2016. godine OPĆINSKOG VIJEĆA VISOKO
Visoko, Mirela Mateša Bukva, s.r.

8.

Na osnovu člana 33. Statuta Općine Visoko („Službeni glasnik Općine Visoko“, broj: 01/11 i 08/13), a u vezi sa članom 101. stav (1) Zakona o električnoj energiji u FBiH („Službene novine FBiH“, broj: 66/13) i Uputstva o postupku i načinu davanja saglasnosti na projektnu dokumentaciju za elektroenergetske objekte Kantonalnog ministarstva za privredu ZDK, broj: 04-02-

19808/15 od 06.11.2015. godine. Općinska načelnica Visoko donosi

UPUTSTVO
o postupku i načinu davanja saglasnosti
na projektnu dokumentaciju za
elektroenergetske objekte u nadležnosti
Općine Visoko

Član 1.

(1) Ovim uputstvom propisuje se način izvršenja pregleda i davanja saglasnosti na projektnu dokumentaciju za elektroenergetske objekte za koje je služba Općine Visoko nadležna za poslove urbanizma izdala lokacijsku informaciju, odnosno urbanističku saglasnost.

(2) Svrha pregleda projektne dokumentacije je izdavanje saglasnosti na projektnu dokumentaciju, kojom se potvrđuje da je ista usklađena sa zakonskim i podzakonskim propisima, važećim standardima, kao i drugim aktima koji uređuju oblast građenja i korištenja zemljišta.

(3) Saglasnost na projektnu dokumentaciju se pribavlja prije podnošenja zahtjeva za izdavanje odobrenja za građenje od nadležne općinske službe.

Član 2.

(1) Zahtjev za izdavanje saglasnosti podnosi se Službi za urbanizam, stambeno-komunalne poslove i katastar nekretnina općine Visoko (u daljem tekstu: Služba).

(2) U zahtjevu za izdavanje saglasnosti na projektnu dokumentaciju navode se podaci o elektroenergetskom objektu i učesnicima u građenju.

(3) Uz zahtjev se prilaže jedan primjerak propisno uvezane projektne dokumentacije.

(4) Ukoliko se projektna dokumentacija sastoji iz više knjiga, čije je slanje poštom neprimjerno, u zahtjevu se navodi spisak knjiga, a pregled iste se obavlja u prostorijama podnosioca zahtjeva.

(5) Prije podnošenja zahtjeva investitor je obavezan provesti postupak izvršenja tehničke kontrole ili revizije projektne dokumentacije elektroenergetskog objekta. Izjava o provedenoj reviziji je sastavni dio glavnog projekta.

Član 3.

(1) Po prijemu zahtjeva, na prijedlog Službe, Općinska načelnica donosi rješenje o imenovanju Komisije za pregled tehničke dokumentacije (u daljem tekstu: Komisija).

(2) Članovi Komisije imenuju se sa Liste kvalifikovanih stručnjaka za učešće u radu komisija za tehnički pregled građevina izgrađenih na području općine Visoko.

(3) Komisija ima tri člana i sekretara koji je uposlenik Službe i koji obavlja administrativne poslove za Komisiju.

(4) Članovi Komisije moraju imati završenu visoku stručnu spremu, sa najmanje 5 godina radnog iskustva u struci, od kojih najmanje jedan mora imati VII stepen stručne spreme, odnosno visoko obrazovanje drugog ili trećeg ciklusa Bolonjskog sistema studiranja, elektrotehnički fakultet - smjer elektroenergetski, sa položenim stručnim ispitom, ili zvanjem magistra, odnosno doktora nauka.

(5) Predsjednik Komisije je lice sa završenim elektrotehničkim fakultetom-smjer elektroenergetika koji rukovodi pregledom projektne dokumentacije, te sačinjava zapisnik Komisije

(6) Komisija dogovara sa podnosiocem zahtjeva vrijeme, mjesto i način pregleda dokumentacije.

Član 4.

(1) Troškove obavljanja pregleda projektne dokumentacije, koji se utvrđuju za svaki konkretan slučaj na osnovu posebnog pravilnika Općinske načelnice, snosi investitor.

(2) Nakon imenovanja Komisije, Služba donosi zaključak o visini naknade pregleda projektne dokumentacije.

Član 5.

(1) Pregled projektne dokumentacije obuhvata sljedeće provjere:

- usklađenost projektne dokumentacije sa zakonskim, podzakonskim, tehničkim i drugim propisima, standardima, tehničkim normativima i preporukama koji uređuju oblast građenja elektroenergetskih objekata,
- kompletnost projektne dokumentacije,
- tehnička kontrola (revizija),
- procedura izrade projektne dokumentacije.

Član 6.

(1) Pregledom Glavnog projekta, zavisno od tehničke strukture elektroenergetskog objekta, koji može da sadrži jednu ili više knjiga/dijelova provjerava se, između ostalog, da li isti sadrži:

- naziv i registraciju pravnog lica koje vrši projektovanje (Projektant),
- urbanističku saglasnost ili lokacijsku informaciju,
- projektni zadatak ovjeren od strane investitora,
- imenovanje odgovornih projektanata,
- izjave o međusobnoj usklađenosti,
- opće i posebne uslove, standarde, norme i propise za objekat ili zahvat koji se vrši na elektroenergetskom objektu,
- izjave o primjeni propisa, standarda i drugih tehničkih preporuka koji uređuju projektovanu aktivnost,
- tehnički opis za sve planirane radove,
- tehničke proračune,
- predmjer i predračun radova, materijala i opreme,
- ostale dijelove propisane Uredbom o vrsti, sadržaju, označavanju i čuvanju, kontroli i nostrifikaciji investiciono-tehničke dokumentacije ("Službene novine Federacije BiH", broj 33/10).

Član 7.

(1) U procesu provjere izvršenja tehničke kontrole ili revizije glavnog projekta, između ostalog provjerava se sljedeće:

- da li je revizija urađena u skladu sa Uredbom o vrsti, sadržaju, označavanju i čuvanju, kontroli i nostrifikaciji investiciono-tehničke dokumentacije,
- da li je izvršena kontrola usklađenosti projekta sa projektnim zadatkom,
- da li je izvršena kontrola usklađenosti projekta sa zakonskim i podzakonskim propisima, tehničkim propisima, standardima i normativima koji se odnose na projektovanje i građenje elektroenergetskih objekata,
- da li je izvršena kontrola projekta vezano za primjenu rezultata prethodnih radova i rezultati istraživanja potencijala za nove proizvodne objekte,
- da li je izvršena kontrola projekta vezano za predmjer i predračun radova, proračune i podatke o tehničkim i tehnološkim modelima i postupcima primijenjenim za utvrđivanje stabilnosti, sigurnosti,

funkcionalnosti i trajnosti elektroenergetskog objekta, predviđenim materijalima, opremi i instalacijama u objektu, i dokaze da je njihov izbor racionalan,

- da li je izvršena kontrola projekta vezano za montaže električnih sklopova i dijelova, te da li su predviđeni na odgovarajući način tehnički uslovi i opisi za izvođenje radova,
- da li je izvršena kontrola projekta vezano za obezbjeđenje tehničkih mjera za zaštitu okoliša i sprečavanje nepovoljnih uticaja na okoliš,
- da li je izvršena kontrola u pogledu međusobne usklađenosti svih dijelova glavnog projekta.

Član 8.

(1) Komisija nakon pregleda uslova projektovanja i usklađenosti projektne dokumentacije sa zakonima i propisima, sačinjava zapisnik koji obavezno sadrži sljedeće elemente:

- datum i mjesto pregleda,
- naziv i adresa Investitora,
- naziv i adresa Projektanta,
- naziv i adresa Revidenta,
- naziv Projekta,
- oznaka Projekta,
- spisak lica koja su vršila kontrolu usklađenosti projektne dokumentacije,
- sadržaj knjiga koje čine glavni projekat,
- izvještaj o zatečenom stanju projektne dokumentacije vezano za usklađenost sa propisima,
- podaci o tehničkoj kontroli/reviziji i
- zaključak.

(2) Ukoliko Komisija ustanovi da je dokumentacija urađena u skladu sa važećim propisima, Komisija dostavlja Službi zapisnik i prijedlog saglasnosti na istu.

(3) Saglasnost donosi Općinska načelnica na prijedlog Službe.

(3) Ako Komisija ocijeni da projektna dokumentacija ima nedostataka, navodi u zapisniku u čemu se ogledaju nedostaci, te u dogovoru sa podnosiocem zahtjeva određuje razuman rok, koji ne može biti duži od 60 dana, za otklanjanje ustanovljenih nedostataka, o čemu Služba donosi poseban zaključak.

(4) Ukoliko podnosilac zahtjeva ne otkloni uočene nedostatke, postupak se obustavlja, o čemu Služba donosi poseban

zaključak koji se dostavlja podnosiocu zahtjeva.

Član 9.

(1) Zakonski i podzakonski akti za pripremu i pregled projektne dokumentacije elektroenergetskih objekata su:

- Zakon o električnoj energiji u FBiH ("Službene novine FBiH", broj: 66/13),
- Zakon o korištenju obnovljivih izvora energije i efikasne kogeneracije ("Službene novine FBiH", broj: 70/13 i 5/14),
- Uredba o vrsti, sadržaju, označavanju i čuvanju, kontroli i nostrifikaciji investiciono-tehničke dokumentacije ("Službene novine Federacije BiH", broj 33/10).
- Pravilnik o pregledu i usklađenosti projektne dokumentacije ("Službene novine Federacije BiH", broj 58/14).
- Uputstvo Ministarstva za privredu Zeničko-dobojskog kantona o postupku i načinu davanja saglasnosti na projektnu dokumentaciju za elektroenergetske objekte, broj: 04-02-19808/15 od 6.11.2015. godine,
- Akcioni plan korištenja obnovljivih izvora energije u FBiH,
- ovo uputstvo, te važeći standardi, kao i drugi akti koji uređuju oblast građenja i korištenja zemljišta.

Član 10.

Po stupanju na snagu ovog uputstva, Općinska načelnica će donijeti poseban pravilnik kojim se uređuje pitanje troškova i naknade za rad Komisije za pregled projektne dokumentacije.

Član 11.

Ovo uputstvo stupa na snagu danom donošenja i objavit će se u "Službenom glasniku općine Visoko".

Broj: 01/2-02-134/16
08.02.2016. godine
Visoko,

OPĆINSKA NAČELNICA
Mr. sci Amra Babić, s.r.

vezi sa članom 134. Poslovnika Općinskog vijeća Visoko („Službeni glasnik Općine Visoko“, broj: 07/08, 06/11 i 02/14) daje slijedeća

ISPRAVKA

grešaka u "Službenom glasniku Općine Visoko", broj: 01/15, 02/15 i 10/15

I

1. Kod izdavanja i štampanja „Službenog glasnika Općine Visoko“, broj: 01/15, učinjena je tehnička greška datuma izdavanja „Službenog glasnika Općine Visoko“, pa umjesto 09. januar treba da stoji 09. februar, tako da ispravljeni tekst glasi:

„Visoko, 09. februar 2015. godine“

2. Kod izdavanja i štampanja „Službenog glasnika Općine Visoko“, broj: 02/15, učinjena je tehnička greška datuma izdavanja „Službenog glasnika Općine Visoko“, pa umjesto 06. februar treba da stoji 06. mart, tako da ispravljeni tekst glasi:

„Visoko, 06. mart 2015. godine“

3. U „Službenom glasniku Općine Visoko“, broj: 10/15, u zaglavlju cjelokupnog glasnika, učinjena je tehnička greška u određivanju broja glasnika, pa umjesto dosada napisanog Broja 9 treba da stoji Broj 10, u zaglavlju glasnika.
4. U „Službenom glasniku Općine Visoko“, broj: 10/15, u sadržaju, na strani 46, u tačkama broj: 84., 85., 86., 87., 88., 89., i 90. riječ „Prijedlog“ briše se.

II

Ispravka će se objaviti u „Službenom glasniku općine Visoko“.

Broj: 01/3-02-72/16
07.03.2016. godine
Visoko,

SEKRETAR
OPĆINSKOG VIJEĆA VISOKO
Zekija Omerbegović, s.r.

9.

Po izvršenom sravnjavanju sa izvornim tekstom, utvrđeno je da su se pri štampanju „Službenog glasnika Općine Visoko“ broj: 01/15, 02/15 i 10/15, potkrale niže navedene greške, pa se na osnovu člana 25. i 132., a u

S A D R Ź A J**I - OPĆINSKO VIJEĆE**

5. Program kapitalnih ulaganja u infrastrukturu iz Budžeta Općine Visoko za 2016. godinu (cestovna i kanalizaciona infrastruktura i javna rasvjeta) 1
6. Odluka o visini prosječne konačne građevinske cijene 1 m² korisne površine stambenog prostora na području općine Visoko za 2016. godinu 3
7. Odluka o razrješenju dosadašnjeg i imenovanju novog predsjednika Savjeta i potvrđivanju imenovanja novog člana Savjeta MZ Gračanica 3

II - OPĆINSKA NAČELNICA

8. Uputstvo o postupku i načinu davanja saglasnosti na projektnu dokumentaciju za elektroenergetske objekte u nadležnosti Općine Visoko 4

III – SEKRETAR OPĆINSKOG VIJEĆA

9. Ispravka grešaka u „Službenom glasniku Općine Visoko“, broj: 01/15, 02/15 i 10/15 6

Izdavač: Općina Visoko, ul. Alije Izetbegovića br. 12A, Visoko
Uređuje: Muhamed Halilbegović, stručni saradnik
Glavni i odgovorni urednik: Zekija Omerbegović, sekretar Općinskog vijeća, **Telefon:** 032/732-502
Štampa: INDACO d.o.o. Visoko, **Telefon:** 061/449-302